

جدوال قمبرچان خطبه جمعة

Siri 3/ 2023

(Bulan Mac Tahun 2023)

تاریخ	تاجوق	ب
3 Mac 2023M/ 10 Syaaban 1444H	شعبان: بولن عبادہ دان قعامقونن	1.
10 Mac 2023M/ 17 Syaaban 1444H	چینتا سوغشغ	2.
17 Mac 2023M/ 24 Syaaban 1444H	مرتبکن وانیتا	3.
24 Mac 2023M/ 2 Ramadan 1444H	اهلا یا رمضان	4.
خطبه کدوا		

دبیایای:



زکاة فولو فینغ

دتریبتکن:



جابتن حال احوال اگام اسلام فولو فینغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Ahlan Ya Ramadhan

(24 Mac 2023M | 2 Ramadhan 1444H)

أَلْحَمْدُ لِلَّهِ الَّذِي فَضَّلَ أَوْقَاتَ رَمَضَانَ عَلَى غَيْرِهِ مِنَ الْأَزْمَانِ، وَأَنْزَلَ فِيهِ الْقُرْآنَ هُدًى وَبَيِّنَاتٍ مِنَ الْهُدَى وَالْفُرْقَانِ، أَحْمَدُهُ سُبْحَانَهُ وَأَشْكُرُهُ وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ.

وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ الَّذِي كَانَ يَخُصُّ رَمَضَانَ بِمَا لَمْ يَخُصَّ بِهِ غَيْرُهُ.

اللَّهُمَّ فَصِّلْ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ، الَّذِينَ آثَرُوا رِضَا اللَّهِ عَلَى شَهَوَاتِ نَفُوسِهِمْ، فَخَرَجُوا مِنَ الدُّنْيَا مَأْجُورِينَ، وَعَلَى سَعْيِهِمْ مَشْكُورِينَ، وَسَلِّمْ تَسْلِيمًا كَثِيرًا إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، أُوصِيكُمْ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAH YANG DIHORMATI SEKALIAN,

Saya menyeru kepada diri saya dan hadirin agar bertakwa kepada Allah **سُبْحَانَهُ وَتَعَالَى** dengan sebenar-benar takwa iaitu dengan melakukan segala perintah-Nya dan meninggalkan segala larangan-Nya. Marilah kita sama-sama meningkatkan amal soleh khususnya di bulan Ramadhan ini.

Khatib juga ingin mengingatkan agar jemaah meninggalkan urusan dunia sebentar, pasangkan *mode* senyap pada telefon bimbit, tidak menggerakkan tabung kutipan jumaat serta berikanlah sepenuh perhatian kepada khutbah ini. Jadikanlah khutbah ini sebagai panduan diri dan pengisian yang akan dibawa pulang kepada keluarga. Bersempena Ramadhan yang baru menjelang, khutbah minggu ini akan membicarakan tajuk “**Ahlan Ya Ramadhan.**”



SIDANG JUMAAT YANG MENGHARAPKAN KEREDHAAN ALLAH سُبْحَانَهُ وَتَعَالَى,

Renung sebentar firman Allah سُبْحَانَهُ وَتَعَالَى dalam ayat 183 surah Al Baqarah:

يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ

تَتَّقُونَ ﴿١٨٣﴾

Maksudnya: “Wahai orang-orang yang beriman, diwajibkan atas kamu berpuasa sebagaimana diwajibkan atas orang-orang sebelum kamu agar kamu bertakwa.”

Alhamdulillah, kini kita berada di fasa permulaan Ramadhan, bulan mulia lagi penuh keberkatan. Bulan yang menjanjikan keampunan dan pelepasan dari dosa. Bulan yang diwajibkan berpuasa, sebagai arena melatih diri menjadi insan taqwa.

Bulan Ramadhan adalah adalah bulan yang dinanti-nantikan kehadirannya oleh umat Islam, kerana di bulan inilah diberi keluasan ruang dan peluang serta kesempatan yang baik untuk meningkatkan keimanan dan amal ibadah. Bulan Ramadhan dikenali sebagai bulan barakah dan bulan maghfirah (bulan keampunan). Ia juga dikenali sebagai bulan ibadah kerana pelbagai ibadah yang kita lakukan serentak iaitu ibadat solat, cakat dan puasa dengan gandaan pahala yang hanya dalam pengetahuan Allah سُبْحَانَهُ وَتَعَالَى.

SIDANG JUMAAT YANG DIBERKATI ALLAH,

Bersempana bulan Ramadhan yang penuh barakah ini, marilah kita sama-sama mengatur jadual ibadah kita secara lebih sistematik dan tersusun. Tingkatkan program amar makruf dan tinggalkan agenda mungkar.



Cuba kita ingat kembali, pada bulan Ramadhan yang lalu berapa kali kita khatam Al Quran? Kalau sekali, mungkin tahun ini kita berusaha untuk khatam sebanyak 2 kali atau lebih lagi.

Ramadhan lepas, berapa hari kita tinggalkan solat wajib secara berjemaah? Ramadhan kali ini kita bertekad untuk solat berjemaah, bukan hanya solat wajib, tetapi ditambah lagi dengan solat sunat tarawih dan witr.

Ramadhan lepas, berapa malam yang kita benar-benar bangun untuk bertahajud kepada Allah **سُبْحَانَهُ وَتَعَالَى**, insya-Allah pada Ramadhan ini kita berazam untuk memperbanyakkan *qiyamullail* dan bertahajud serta membaca Al Quran.

Ramadhan lepas, berapa banyak sedekah yang telah kita keluarkan selain zakat fitrah yang wajib? Mungkin pada Ramadhan ini bukan hanya sedekah yang akan kita keluarkan, bahkan kita mengajak sahabat-sahabat kita atau golongan miskin untuk berbuka puasa bersama-sama.

Sebaiknya itulah tekad dan azam kita dalam menyusun rapi segala ibadah untuk dilaksanakan pada Ramadhan kali ini.

Begitu juga dengan menjauhkan segala tegahan Allah **سُبْحَانَهُ وَتَعَالَى**. Di bulan yang mulia ini, mari sama-sama kita berubah bermula dari diri kita dahulu dengan menjauhi segala bentuk maksiat dan kemungkar. Jauhkan diri kita dari mengadu domba, menghina dan mengeji orang lain. Peliharalah lidah dari mengata sesuatu yang bukan hak kita untuk mengucapkannya, memfitnah, mengumpat dan sebagainya. Ini dapat dilihat pada realiti hari ini apabila sebahagian kita seolah-olah menjadi 'kaunselor tidak bertauliah' dalam mengulas perihal keruntuhan rumahtangga orang.

Kita juga tetap tidak terlepas dari arahan Allah untuk saling tegur-menegur dan nasihat menasihati. Betapa ramai rakan kita yang tidak menutup aurat mengikut apa yang telah digariskan oleh syariat. Lebih menyedihkan apabila wanita yang tidak menutup aurat itu adalah di bawah tanggungan kita. Lebih pelik, kadangkala suami kelihatan bangga

bila isterinya berpakaian mendedahkan aurat kepada khalayak ramai tanpa ada rasa bersalah dan cemburu di dalam hati melihat orang lain sama-sama melihat apa yang sepatutnya menjadi miliknya sahaja.

Mengambil semangat Ramadhan pada kali ini, ayuh kita perbetulkan apa yang salah. Peliharalah diri dan orang sekeliling kita dengan istiqamah menjaga ibadah solat, puasa dan menutup aurat dengan sempurna. Ini semua adalah sebahagian kewajipan dalam agama.

SIDANG JUMAAT YANG DIBERKATI ALLAH,

Demi menghormati kedatangan bulan yang mulia ini, sewajarnya pihak-pihak yang bertanggungjawab membuat pemantauan dan kawalan terhadap aktiviti-aktiviti yang mendorong ke arah maksiat. Pergaulan bebas tanpa had dan hiburan-hiburan yang melalaikan termasuk nyanyian dan tarian hendaklah disekat semampu mungkin. Jangan sampai kebanjiran maksiat ini menjadi asbab segala musibah menimpa kita semua.

Antara isu yang berlaku disaat kita menyambut Ramadhan kali ini, adalah berkaitan isu tular dalam media sosial melalui video yang menunjukkan beberapa orang lelaki menghina Nabi Muhammad ﷺ. Kita juga dikejutkan dengan pengumuman program maksiat yang bakal dianjurkan di sebuah kelab hiburan yang jelas mempromosikan golongan LGBT. Isu-isu sebegini bukan sahaja mencemarkan kemuliaan dan keberkatan Ramadhan malah ia tidak sepatutnya berlaku dalam negara kita sama sekali.

Kitalah bertanggungjawab mengembalikan semula maruah dan kedudukan umat Islam. Apabila sifat malu sudah semakin hilang, bukan sahaja merugikan kita umat Islam malah tempiasnya turut terkena pada agama keseluruhannya. Sebuah hadis daripada Abu Mas'ud رَضِيَ اللَّهُ عَنْهُ, Rasulullah ﷺ bersabda:

إِنَّ مِمَّا أَدْرَكَ النَّاسُ مِنْ كَلَامِ النَّبِيِّ الْأُولَى إِذَا لَمْ تَسْتَحْيِ فَاصْنَعْ مَا شِئْتَ



Maksudnya: “Sebahagian daripada apa yang manusia ketahui tentang bicara Nabi yang terdahulu: “Apabila engkau tidak merasai malu lakukanlah apa sahaja yang engkau mahukan.”

(Hadis Riwayat Al Bukhari)

SIDANG JUMAAT RAHIMAKUMULLAH,

Marilah kita sama-sama merebut kelebihan bulan Ramadhan ini untuk menambah bekalan akhirat yang merupakan suatu tempat kembali kita selama-lamanya. Jadikanlah diri kita sebagai golongan bijak yang sentiasa bersedia dengan bekalan akhirat melalui amal soleh. Kita jauhi sikap golongan bodoh yang berangan-angan untuk mendapat syurga sedangkan amal ibadah bukan sahaja tidak bertambah malah diabaikan.

Untuk akhirnya, suka khatib menyegarkan kembali ingatan kita kepada pesanan Rasulullah ﷺ dalam beberapa riwayat hadis:

Pertama: Memperbanyakkan doa dan memohon keampunan.

Kedua: Memperbanyakkan bacaan Al Quran.

Ketiga: Memperbanyakkan sedekah dan memberi makan bagi orang berbuka puasa.

Keempat: Menghidupkan malam-malam Ramadhan (*qiyamullail*).

Firman Allah dalam surah Al Baqarah ayat 185:

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ... ﴿١٨٥﴾

Maksudnya: “(Beberapa hari yang ditentukan itu ialah) bulan Ramadhan, bulan yang di dalamnya diturunkan (permulaan) Al Quran sebagai petunjuk bagi manusia dan penjelasan-penjelasan mengenai petunjuk itu dan pembeda (antara yang hak dan yang batil).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.





خطبة كدوا بولن مچ

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat



menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ،
وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾